

ԲԺԻՇԿ, ՄԱՆԿԱՎԱՐԺ, ԲԱՐԵԿԱՄ...

ՆՈՂԱՐ ԷՄՈՒԽՎԱՐԻԻ ԱՇԽԱՏԱՆՔԱՅԻՆ ՈՒՂԻՆ՝ ԱԽԱԼՑԻՆԵԻՑ «ՅԵԼՍԻԿՈՐ»

(Սկիզբը՝ 4-րդ էջում)

Բացառված չէր, որ մնայի սովորական բժիշկ, սակայն իմ ճանապարհին հանդիպեց Ռամազ Խեցուրիանին, որը խրախուսում, աջակցում էր բոլոր այն նորամուծությունների նախաձեռնություններին, որոնք բարձրացնում էին, ասաց Նոդար Էմուխվարին եւ հավելեց, որ մինչ օրս էլ սերտ բարեկամական կապեր է պահպանում այդ մարդկանց հետ, թեպետ...

Իմ խորին շնորհակալությունն եմ ցանկանում հայտնել իմ ընտանիքին՝ կնոջս՝ Գյուլնազ Բասարիային: Նա բժիշկ-ռեւմատոլոգ է, նա գլխավոր առաջնորդն ում էր իմ կյանքում, ընտանեկան հանգույցը, ասաց Նոդար Էմուխվարին:

Անդրադառնալով իր զավակներին՝ վաստակաշատ բժիշկը նշեց, որ դուստրը՝ Թամար Էմուխվարին, այսօր «Յելսիկորի» կլինիկայի ողնաշարն է: Հիմնադրման օրվանից Թամարը կլինիկայի բուժուսումնասիրությունների բաժնի ղեկավարն է: Կրտսեր դուստրը՝ Նինոն,

նույնպես, ակտիվ բժշկական գործունեություն է ծավալել:

Հարազատների մասին խոսելիս՝ Նոդար Էմուխվարին առանձնակի ջերմությամբ հիշատակեց փեսային՝ Նիկոլոզ Գեգուլաձեին, ով այսօր «Խալիկբանկի» գլխավոր տնօրենն է: Նոդար Էմուխվարին երախտապարտ է փեսային, որը, չնայած աշխատանքային ծանրաբեռնվածության, առանձնակի հոգատարությամբ վերաբերվեց կնոջը՝ Նինոյին, նրա առողջական վիճակի բարդացման ժամանակ:

Այսօր Նոդար Էմուխվարին վեց թռան պապ է, որոնցից մեկը կրում է նրա անունը: Հատկանշական է, որ բոլոր թռաներն ավարտել կամ այսօր սովորում են բժշկական հաստատություններում:

- Թեպետ ինձ համար ամենասիրելին ու ամենաթանկագինը երկու ծոռներս են: Ես երջանիկ եմ, շրջապատված սիրելի մարդկանցով: Երջանիկ եմ, երբ փողոցում



Կոմպոզիտոր Գիա Ղանջելին եւ ռեժիսոր Ռոբիկո Ստուրուան «Յելսիկորում»

պատահաբար հանդիպում եմ մարդկանց, ում ժամանակին բուժել եմ: Երջանիկ եմ այն հարգալից վերաբերմունքով, որը շրջապատը տածում է իմ նկատմամբ: Հպարտանում եմ, որ ինձ կոչում են ժողովրդական բժիշկ, ասաց Նոդար Էմուխվարին:

ՌՈՒՄՈՒՂԱՆ ՔՈՐՈՒԼԻՍ

ՀԱՄԵՐԳ

ԹԲԻԼԻՍԻ ԿՈՆՍԵՐՎԱՏՈՐԻԱՅԻ ՄԵԾ ՀԱՄԵՐԳԱՍՐԱԶԸ ՀՈՏԵԿԱՅՍ ԾԱՓԱՀԱՐՈՒՄ ԷՐ ՄԱՄԻԿՈՆ ՆԱՀԱՂԵՏՈՎԻՆ, ՀՈՎՀԱՆՆԵՍ ՀԱՄԲԱՐՁՈՒՄՅԱՆԻՆ...

Ապրիլի 12-ին, Թբիլիսիի Վ.Սարաջիշվիլու անվան պետական կոնսերվատորիայի մեծ համերգասրահում կայացավ կոմպոզիտոր եւ դիրիժոր Հովհաննես Համբարձումյանի հեղինակային երեկոն, որը կազմակերպվել էր Հայ Առաքելական Ուղղափառ Սուրբ եկեղեցու Վիրահայոց թեմի հովանավորությամբ:

Երիտասարդ երաժշտի ստեղծագործություններով հանդես եկան անվանի դաշնակահար, միջազգային մրցույթների դափնեկիր Մամիկոն Նահապետովը, մեցցո-սոպրանո Նատալյա Բուեան, կլարնետահար Դիմիտրի Բորիշվիլին:

Համերգային ծրագրում տեղ էին գտել հեղինակի տասնմեկ տարվա ընթացքում գրված տասը ստեղծագործություններ, այդ թվում՝ Հովհ.Թումանյանի քառյակների հիման վրա գրված երգերը:

Համերգային երեկոյի ավարտին՝ Վրաստանում Հայաստանի արտակարգ եւ լիազոր դեսպան Աշոտ Սմբատյանը Մամիկոն Նահապետովին եւ Հովհաննես Համբարձումյանին հանձնեց դեսպանատան Պատվոգրերը՝ մշակույթի բնագավառում ունեցած ավանդի համար:



Նշենք, որ Հովհաննես Համբարձումյանն ու Մամիկոն Նահապետովը թբիլիսցիներ են, այժմ ապրում են գործում են Գերմանիայում: 40-ամյա Մամիկոն Նահապետովին երաժշտական աշխարհի ժամանակակիցներն արդեն իսկ համարում են հանճարեղ եւ բացառիկ դաշնակահար: Իսկ Հովհաննես Համբարձումյանը, ում հետ հարցազրույցը «Վրաստան» թերթը տպագրեց վերջերս, այժմ Դրեզդենի կամերային նվագախմբի գլխավոր դիրիժորն է:

Լուսանկարում. - Չախից՝ Հովհաննես Համբարձումյանը, Մամիկոն Նահապետովը, Նատալյա Բուեան եւ Դիմիտրի Բորիշվիլին

ՄՈՑԻԱԼԱԿԱՆ

ՀԱՅԻ ՊԱԿԱՍՈՐԴ ԵՎ ԳՆԱԾ ԶԻ ԼԻՆԻ



Վրաստանի բնապահպանության եւ գյուղատնտեսության նախարար Օթար Շամուգիան հայտարարեց, որ կառավարությունը որոշել է ժամանակից շուտ հանել ցորենի արտահանման արգելքը:

Ըստ նրա, որ ո շ մ ա ն պ ա տ ճ ա ռ ն այն է, որ երկրում սննդամթերքի անվտանգության առումով ռիսկեր չկան: Նախարարի գնահատմամբ, այս պահին Վրաստանում մոտավորապես 2-3 ամսվա ցորենի եւ ալյուրի պաշար կա:

- Անցյալ տարվա ամռանը որոշում ենք կայացրել դադարեցնել ցորենի եւ գարու արտահանումը: Այս որոշումը, անշուշտ, բխում էր նրանից, որ երկրում արտադրված արտադրանքը, ստեղծված իրավիճակից ելնելով, ամբողջությամբ օգտագործվել է տեղական կարիքների համար եւ, հաշվի առնելով սննդամթերքի անվտանգության ռիսկերը, այդ որոշումը, անշուշտ, արդարացված էր,- ասաց Օթար Շամուգիան:


Իր հերթին, Վրաստանի «Հաց արտադրողների ասոցիացիայի» ղեկավար Մալխազ Դոլիձեն նշեց, որ հա-

ցը կծանանա 10 թեթիով, թեեւ չհստակեցրեց, թե երբվանից:

- Հիմա հացը 10 թեթիով էժանացնելու տարբերակ կա, ալյուրի էժանացումը հնարավորություն է տալիս էժանացնել նաեւ հացը: Անցած շաբաթ մեկ պարկ ալյուրն արժեք 57 լարի, այժմ 53-54 լարի է: Նախորդ տարի ալյուրի գինը 70 լարի էր: Ալյուրի ներմուծման աճը եւ գնի նվազումն այս տարի հացի էժանացման հնարավորություն են ընձեռում,- պարզաբանեց Մալխազ Դոլիձեն ու հավելեց, որ, երբ արտադրողները հացը ցածր գնով մատուցեն, խանութները նույնպես պետք է ավելի ցածր գնով վաճառեն:

- Գործարարը կարող է էժանացնել, բայց խանութի տերերը պատճառաբանում են, որ տարածք են վարձում, ծախսեր ունեն, չգիտենք՝ կիջեցնե՞ն, թե՞ ոչ: Եթե մենք նվազեցնենք 10 թեթիով, դա կարող է չարտացոլվել վաճառքի գնի վրա, սա է գլխավորը,- ասաց Մալխազ Դոլիձեն:

ՄԱՐԶԱԿԱՆ



ՀԱՅԱՍՏԱՆԻ ՀԱՎԱՔԱԿԱՆԻ ՆԱԽԿԻՆ ՄԱՐԶԻՉ ՎԱՐՂԱՆ ՄԻՆԱՍՅԱՆԸ՝ «ԹԵԼԱՎԻ» ՖՈՒՏԲՈԼԱՅԻՆ ԱԿՈՒՄԲԻ ԳԼԽԱՎՈՐ ՄԱՐԶԻՉ

Վերջերս հայտնի դարձավ, որ Հայաստանի հավաքականի նախկին մարզիչ Վարդան Մինասյանը դարձել է Կախեթի տարածաշրջանի կենտրոն Թելավիի «Թելավի» ֆուտբոլային ակումբի գլխավոր մարզիչ:

Վերոնշյալ պաշտոնը Վարդան Մինասյանին առաջարկել է վրացական այդ ակումբի սեփականատեր,

հայաստանցի գործարար, ժամանակին Հայաստանի առաջնությունում խաղացած «Իմպուլս» եւ «Սեւան» ակումբների նախկին նախագահ Տիգրան Հակոբյանը:

«Թելավի» ֆուտբոլային թիմի գլխավոր մարզիչ նշանակվելու կապակցությամբ՝ «Վրաստանի» թղթակիցը գրուցեց Վարդան Մինասյանի հետ:

- Դուք կրկին վերադառնում եք մարզչի աշխատանքի՝ այս անգամ Վրաստանում, Թելավիում:

- Այդպես ստացվեց: 2021-ին ավարտեցի մարզչի աշխատանքը ղազախական «Տարագում», վերադարձա Հայաստան: Անցած երկու տարիների ընթացքում հիմնականում զբաղված էի ֆուտբոլային հանդիպումների վերլուծությամբ: Իհարկե, եղան առաջարկություններ ինչպես հայաստանյան, այնպես էլ՝ արտասահմանյան ակումբներին, թեպետ դրանք չէին ընդգրկվում մարզչի իմ նկատառումներում:

- Սակայն Դուք համաձայնվեցի՞ք գլխավորել «Թելավի»:

- Այո, համաձայնվեցի: «Թելավի» ակումբում աշխատելը առաջարկեց իմ վաղեմի բարեկամ, ներկայումս

թիմի սեփականատեր Տիգրան Հակոբյանը: Ծանոթացրեց թիմի զարգացման ու առաջընթացի հետ կապված իր ծրագրերին, որոնք հիմնականում համընկնում էին ակումբի զարգացման իմ մոտեցումներին: Դրանում համոզվեցի նաեւ այն ժամանակ, երբ տրիբունայից դիտեցի թիմի խաղը՝ որպես սովորական հանդիսատես: Թիմի մարզիչ դառնալու որոշման մեջ առավել համոզվեցի Թբիլիսիի «Դինամոյի» հետ հանդիպումը դիտելուց հետո, համոզվեցի, որ այս թիմի հետ կկարողանամ մարմնավորել այն ծրագրերը, որոնք, իմ համոզմամբ, կնպաստեն թիմի առաջընթացին:

Կա մի հանգամանք եւս. ես միշտ բարձր պատկերացում եմ ունեցել վրաց ֆուտբոլիստների մասին, ծանոթ եմ նրանց խաղային տեխնիկային, գիտեմ, նրանք սիրում են գնդակի հետ հարաբերակցությունը... Այդ ամենը իմ մտադրացման մարմնավորման լուրջ նախադրյալն է:

- Ի՞նչ կասե՞ք ֆուտբոլի Ձեր փոխտիպայության մասին:

- Բնականաբար, բոլոր մարզիչներն իրենց մոտեցումն ու հայացքներն ունեն, ես բացառություն չեմ: Իմ ոճի եւ փոխտիպայության հիմքում՝ հանդիպմանը մրցակցի ուժեղ եւ թույլ կողմերի հաշվառումն է եւ, ելնելով դրանից, խաղի տակտիկայի սահմանումը: Կարծում եմ, «Թելավի» ֆուտբոլիստները կպաշտ-

պանեն նման մոտեցումը, առավել եւս, որ իրենք էլ շահագրգռված են դրանում:

- Հաջողություն ձեզ, «Թելավիում» մարզչի գործունեությունում:

Նշենք, որ «Թելավին», Վրաստանի առաջնության շրջանակում անցկացրած 8 խաղերից հետո, վաստակել է 5 միավոր եւ 10 թիմերի մեջ առաջմ զբաղեցնում է 8-րդ հորիզոնականը:

Վերջում ավելացնենք, որ 49-ամյա Վարդան Մինասյանը 90-ական թվականներին հանդես է եկել Հայաստանի հավաքականի կազմում, ապա՝ անցել մարզչի աշխատանքի: Որպես մարզչի օգնական աշխատել է «Փյունիկում», եղել է Հայաստանի ֆուտբոլի ազգային հավաքականի մարզիչ Յան Պորտերֆիլդի օգնականը: Վարդան Մինասյանը գլխավորել է նաեւ Fastex Հայաստանի Պրեմիեր լիգան ներկայացնող «Արարատ-Արմենիան», «Փյունիկը», ղազախական «Տորքու» եւ Հայաստանի երիտասարդական հավաքականը: Հայաստանից Յան Պորտերֆիլդի գնալուց հետո, 2009-2013 թվականներին, եղել է Հայաստանի հավաքականի մարզիչը: Նրա ղեկավարությամբ՝ Հայաստանի ազգային հավաքականը, իր պատմության մեջ առաջին անգամ, վարկանիշային աղյուսակում զգալիորեն առաջադիմեց՝ զբաղեցնելով 36-րդ հորիզոնականը եւ միայն մրցավարների կողմնակալ մոտեցման արդյունքում՝ զրկվեց Եվրոպայի առաջնության եզրափակիչ փուլի ուղեգրից:

Ավելացնենք, որ ապրիլի 21-ին, Վրաստանի առաջնության 9-րդ տուրում «Թելավին» Թելավիում իր ուեժերը կչափի Գորիի «Դիլայի» հետ:

ՀԻՄՆԱԽՆԴԻՐ

ԻՆՉ ԱՆԵՄ, ԵԹԵ ԽԱՄԽՏԵԼ ԵՄ ՊԱՆԶԵ



Մեծ Պահքին նշեցինք իմ լավ բարեկամի ծննդյան օրը: Չդիմապա եւ խախտեցի խոստումս, ալկոհոլ էլ օգտագործեցի, արգելված կերակուրներն էլ համարեցի: Կյանկանայի իմանալ, եթե 40 օրվա ընթացքում Պահքը մեկ անգամ խախտվի, ընդունելի՞ է, արդյոք, այն կրկին պահելը:

Գ. ՄԱՐԿՈՍՅԱՆ
Թբիլիսի

Ընդհանրապես դժվար է դիմանալ զայթակողությանը, առավել եւս՝ Մեծ Պահքին, եւ դա հասկանալի է: Բոլորը չէ, որ դիմանում են: Ոմանք իրենց մեղադրում են զայթակողությանը չդիմանալու համար, ոմանք, մոռացության մատնելով իրենց թուլությունը, կրկին պաս են պահում, իսկ երրորդները դադարեցնում են պասը, համարելով, որ դա արդեն անօգուտ է:

Օրինաչափ հարց է ծագում ինչպե՞ս վարվել: Պահքը խախտելուց հետո, պետք է թողություն հայցել: Դա հնարավոր է իրականացնել սովորական, առօրեական աղոթքով կամ հոգեւորականի մոտ՝ խոստովանության ժամանակ, իսկ ապագայի համար լինել զսպմած: Բնականաբար, խախտումից հետո էլ կարող եք շարունակել պասը:

Իհարկե, պասը դադարեցնելու զայթակողությունը մեծ է, սակայն հիշեք, որ դա գալիս է սատանայից: Հենց նա է կանգնած ձեր ձախ կողմում եւ համոզում է սխալ գործել: Պահք պահել՝ նշանակում է ոչ միայն հրաժարվել սննդից, այլեւ համբերություն, կայունություն եւ, իհարկե, հավատ:

ԿԵՆՑԱՐԱՅԻՆ

ՊԱՎԱՃԱՆՈՒԹՅՈՒՆԻՑ ՀԵՏՈ ԱՄՈՒՍՆՈՒՍ ԶԵՍ ՎԱՏԱՅՈՒՄ

Հինգ տարի է ամուսնացած ենք: Վերջերս ցավով տեղեկացա, որ ամուսինս դավաճանել է: Թեպետ ներողություն խնդրեց, սակայն նախկինի նման ապրել չեմ կարողանում, դադարել եմ նրան վստահել: Չգիտեմ ինչպե՞ս կարելի է փրկել մեր հարաբերությունները: Կ. ՎԱՐԴԱՆՅԱՆ
Ախալքալաքի



Ձեր զգացմունքները փոխանցեք թղթին, ձեր ներքինը ազատեք բացասական էներգիայից, որպեսզի կարողանաք դրանից խուսափել:

Եթե դուք ցանկանում եք մնալ ձեր սիրելի անձի հետ, ապա, պետք է գիտակցեք, որ ձեր նախկին հարաբերությունները երբեք չեն վերականգնվի: Պետք է ձեւավորեք մոր հարաբերություններ: Այդ դեպքում երկուստեք պետք է խոստանաք, որ մեկը բան երբեք չի կրկնվի եւ անցյալի մասին չեք խոսի: Եթե ձեր ամուսնուն անընդմեջ հիշատակեք նրա դավաճանությունը, ապա, հավատացե՛ք, ձեր ընտանիքը կհայտնվի փակուղում, ինչն էլ կկործանի այն:

Եթե դուք ինքներդ գիտակցեք, որ ներքուստ չեք կարող հաշտվել տեղի ունեցածի հետ, ապա խորհուրդ եմ տալիս պաշտոնապես բաժանվել:

Հոգեբան Արամ Մանուկյանի հավաստմամբ, դավաճանությունը, իրոք, այնքան էլ հեշտ չէ ներելը: Համախառն աղոթքի փորձում են այն մոռացության տալ, եւ հարաբերությունները սկսել մաքուր էջից, սակայն միշտ չէ, որ դա ստացվում է: Շատ կանայք ցանկանում են պահել ընտանիքը, առավել եւս, եթե կան երեխաներ, եթե ամուսնության հիմքում եղել է սեր, եթե կան հիանալի հիշողություններ: Այդ դեպքում, նրանք փորձում են դավաճանության փաստը մոռացության մատնել:

Դատելով ձեր մամակից՝ դուք իբր ներել եք ձեր ամուսնուն, սակայն ձեր զգայական վիճակը ցույց է տալիս հակառակը: Ապրում եք նրա հետ, թեպետ հոգու խորքում մնացել է վիրավորանքը: Ներողամտության շատ տարբերակներ կան եւ ամենապարզագույնն այն է, որ

ԸՆԹԵՐՑՈՎԻ ԽՈՐՀՈՒՐԴ

ՇԵՏԵՎԵՔ ԱՍՍԺԻՍ ԵՎ ՀԻՄՆԱԽՆԴԻՐԸ ԿԱՐԳԱՎՈՐՎԻ

Ստորել ներկայացնում ենք «Վրաստանի» ընթերցող, թրիլիսցի Սվետլանա Աբրահամյանի կենցաղային խորհուրդները, որոնք, հեղինակի կարծիքով, տնային տնտեսուհիների համար շատ օգտակար կլինեն:

* Երբ ծուն ընկնում է գետնին ու կոտրվում, մաքրելն իսկապես դժվար է: Դրա համար ընդամենը պետք է ձվի վրա շաղ տալ աղ եւ մի երկու թուփ սպասել՝ մինչեւ աղը ներծծվի սպիտակուցի ու դեղնուցի մեջ: Դրանից հետո անձեռոցիկով հեշտությանը կարելի է ձուռն վերցնել:

* Ամաններ լվանալու սպումգն

ախտահանելու համար՝ պետք է դնել աղաջրի մեջ, այնուհետեւ՝ մզել ու չորացնել:

* Գորգին կամ բազմոցին թափված հեղուկի հետքը վերացնելու համար՝ 2-3 ճգդալ քացախի մեջ աղ լցնել եւ այդ զանգվածով շփել աղոտված հատվածը: Մի քանի րոպեից հետքերը կանհետանան:

ԱՄՈՒՍԻՆՍ ՈՒ ՆՐԱ ՀԱՐԱԶԱՏՆԵՐԸ...

...ԱՐԻ ՈՒ ԴԻՄԱՅԻՐ, ՄԵՐ ԵՐԵՒԱՅԻ ԾՆՈՂՆԵՐԸ ԿԱՐԾԵՍ ՍԿԵՍՈՒՐՍ ՈՒ ՍԿԵՍԱՅՐՍ ԵՆ

Ամուսնանալով՝ մենք, կամա-ակամա, ձեռք ենք բերում մոր բարեկամների, որոնց չենք ընտրել, թեպետ ստիպված ենք նրանց հետ հաղորդակցվել:

Իհարկե, ցանկացած նորաստեղծ ընտանիք ձգտում է ինքնավարության, թե եւ հարազատներից, առավել եւս ծնողներից մեկուսանալը, բոլորին չէ, որ հաջողվում է: Նման պարագայում հարկ է ցուցաբերել խելամիտ մոտեցում եւ հարաբերությունները կարգավորել, թեկուզ ի հեճուկս շրջապատի:

Ստորել ներկայացնում ենք «Վրաստան» թերթի էլեքտրոնային փոստով (vrastan.press@gmail.com) ստացված մի խումբ կանանց մամակներում բարձրացված հիմնախնդիրների կարգավորման ուղիները, խորհուրդներ, թե ինչպես պետք է ձեւավորել հարաբերությունները սկեսուրի հետ, եթե նա՝

Խառնվում է ընտանեկան հարցերում

Ամուսնու հետ համատեղ կյանքի առաջին իսկ օրվանից, ախալքալաքցի Հասմիկի մոտ ձեւավորվել էր տպավորություն, որ իրենց ընտանիքը երկու անձից ավելի է. «Սկեսուրս ցանկացած ժամանակ, առանց զգուշացման, կարող էր ներկայանալ, բացել սառնարանը, խոսել այնտեղ եղած մթերքների մասին: Իմ դիտողություններին ի պատասխան, ամուսինս ասում էր՝ «Նա իմ մայրն է»:

Ինչպե՞ս վարվել

Ցանկացած ընտանիք պետք է ունենա իր սահմանները: Եթե դրանք խախտվում են ազգականների կողմից, ապա ամուսիններից մեկի մոտ ծագում է զայրույթ, վրդովմունք: Թեպետ ընտանեկան սահմանների ձեւավորման իդեալական տարբերակը վերապահվում է ամուսնուն՝ չէ՞ որ նա ընտանիքի ավագն է: Իհարկե, կարելի է նրա հետ խոսել այդ ամենի մասին հստակորեն, թե ինչն է լավ, ինչը՝ վատ: Գլխավորն է՝ խոսակցության ժամանակ պահպանել սառնարանություն:

Չափից ավելի հոգ են տանում

«Չգիտեմ՝ ինչպես վարվել. սկեսուրս իր պարտքն է համարում ամեն ինչում խառնվել, հոգ տանել մեր ընտանիքի մասին», - պատմում է Մարիամը Թբիլիսիից: Հատկապես նա, սկեսուրս միշտ երազում էր ունենալ աղջիկ, հավանաբար, ինձ՝ իր հարսին, պատկերացնում է աղջկա դերում: Անընդհատ զանգում է, հրավիրում է հյուր, մոր զգեստներ է գնում, իր օճուկներն է առաջարկում նաեւ սկեսրայրս: Մի կողմից, իհարկե, դա շատ է դուր գալիս, բայց սկսում են հոգնել նրանց անընդմեջ ուշադրությունից», - եզրակացրեց Մարիամը:

Ինչպե՞ս վարվել

Վերոնյալ իրավիճակն այնքան էլ վատ տարբերակ չէ: Սկեսուրս եւ սկեսրայրս անկեղծորեն սիրում են իրենց ընտանիքի մոր անդամին եւ չեն կարողանում զսպել իրենց զգացմունքները: Նման պայմաններում խորհուրդ է տրվում աստիճանաբար խուսափել նրանց հետ հանդիպումներից: Օրինակ, ձեզ հրավիրել են հյուր, փորձեք աշխատանքի, հոգնածության կամ զբաղվածության պատրվակով՝ հրաժարվել հյուր գնալուց: Որպես մվեր գնել են մոր զգեստ՝ նրբորեն հասկացնել տվեք, որ այդ ոճը ձեզ դուր չի գալիս: Նման մեթոդները ժամանակի ընթացքում կհասնեն նպատակի: Բարեկամական ջերմ հարաբերությունները կպահպանվեն, թեպետ ձեր բարեկամները ենթագիտակցորեն կընկալեն, որ ձեզ համար երկրորդային նշանակություն ունեն եւ դրանից չեն նեղանա:

ԹԵՎԱՎՈՐ ՄՏՔԵՐ

Երբեք թեւաթափ մի եղեք: Մեր ամենամեծ սխալն այն է, որ չափից դուրս արագ ենք ձեռքներս ծալում: Հաջողության հասնելու ամենահաստատուն ճանապարհն այն է, երբ անդադար կրկին ես փորձում:

ԹՈՍԱՍ ԷԴԻՍՈՆ

Աշխատանքը չի խայտառակում մարդուն, դժբախտաբար պատահում են աշխատանքը խայտառակող մարդիկ:

Ա. ԷԿՁՅՈՒՊԵՐԻ

Մարդուն չի կարելի չափել արշինով: Հաճախ մեծ խելքը տեղավորվում է փոքր գլխում:

Լ. ՏՈԼՍՏՈՅ

Սերը միայն հասկանում է նա, ով ապրել է այն:



Հարսին չեն ընդունում

«Սկեսուրս երազում էր այլ հարսի մասին, առավել եւս որդու համար արդեն ընտրել էր համապատասխան զույգ, սակայն ինչ-որ բան չստացվեց, եւ նա մինչ օրս չի կարող դրա հետ հաշտվել: Կատակախառը քննադատում է արտաքինս, սենյակում կահույքի դասավորվածությունը, իսկ երբեմն էլ բացահայտորեն անտեսում է: Օրինակ, իր ծննդյան օրվան ընդհանրապես չի հրավիրում», - խմբագրությանն ուղղված մամակում գրել է բաթումցի Ալլա Ս.-ն:

Ինչպե՞ս վարվել

Որոշ կանանց համար հարսը վեր է ածվում իսկական թշնամու: Նման բան պատահում է հիմնականում այն ընտանիքներում, որտեղ որդին միակ երեխան է: Նրան երես են տալիս, հոգում են եւ հանկարծ ի հայտ է գալիս նա, ով ցանկանում է հոգատարության առարկային «սեփականացնել»: Հենց այդպես է պատկերացնում իրավիճակը սկեսուրը: Լավագույն ելքն այն է, որ նրան պետք է տալ ժամանակ՝ այդ ամենի հետ հաշտվելու համար եւ ցուցադրաբար նրա հետ հաղորդակցվել անկեղծությամբ ու ջերմությամբ: Ցուցաբերեք նախաձեռնություն, սակայն չափավոր: Ժամանակի ընթացքում ամուսնու մայրը կգիտակցի, որ հարսն իր թշնամին չէ:

Փորձում են դաստիարակել թոռներին

Խմբագրությանը հասցեագրած այս մամակի հեղինակ, Ծալկայի մուլիցիպալիտետից Անահիտ Վ.-ի համար, երեխայի ծնվելուց հետո, կյանքը վերածվեց դժոխքի: «Այնպիսի տպավորություն է ստեղծվել, որ մեր երեխայի ծնողները սկեսուրս ու սկեսրայրս են: Նրանից ոչ մի քայլ չեն հեռանում, երբ մի փոքր մեծացավ, սկսեցին զբաղվել նրա դաստիարակությամբ՝ հաշվի չառնելով ո՛չ ինձ եւ ո՛չ էլ ամուսնուս», - գրում է Անահիտ Վ.-ն:

Ինչպե՞ս վարվել


Զարմանալի չէ, որ ավարտելով իրենց երեսներին դաստիարակությունը, որոշ ծնողներ ձեռնամուխ են լինում թոռների դաստիարակությանը: Հարկ է հստակորեն պարզաբանել, որ երեխան ծնողներ ունի, եւ հենց նրանք էլ պետք է սահմանեն երեխայի դաստիարակության սկզբունքները, թե երբ խրախուսել կամ պատժել երեխային: Տառն ու պապը մեծ պարագայում պետք է կատարեն օգնականի, ավագ ընկերոջ դեր: Իհարկե, դա այնքան էլ դյուրին գործ չէ, թեւեւ, երբ խոսքը վերաբերում է երեխաներին, կարելի է մի փոքր խստություն ցուցաբերել: Օրինակ, տատին կամ պապին ասել. «Եթե դուք շարունակեք երեխային քաղցրավենիքներ տալ, որը բժիշկն արգելել է, ստիպված կլինեմ խուսափել ձեզ մոտ հյուր գալուց»:

Վ. ՇԵՔՍՊԻՐ

Որոշ մարդիկ գերադասում են իրենք իրենց մասին բացասական բաներ ասել, միայն թե իրենց մասին խոսեն:

Ի. ՄԵՆԴԵԼՇԵՍՍ

Կնոջ համար գեղեցկությունը հիմնականորեն այն դեպքում, եթե գեղեցիկ չէ եւ մեկ էլ, երբ գեղեցկությունից բացի ոչինչ չունի:



Ս. ՍՈՒՐԱՂՅԱՆ

«Վրաստանի» ընթերցող

Նկնոծմիդա

ՀԱՅԱՍՏԱՆ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ՆՅՈՒԹԵՐՈՎ

ՆԻԿՈԼ ՓԱՇԻՆՅԱՆ. «ՇԱՐՈՒՆԱԿՈՒՄ ԵՆՔ ՀԱՎԱՏԱՐԻՄ ՄՆԱԼ ԲՈԼՈՐ ՀԱՐՅԵՐԻ ԲԱՆԱԿՅԱՅԻՆ ԿԱՐԳԱՎՈՐՄԱՆ ՔԱՂԱՔԱԿԱՆՈՒԹՅԱՆԸ»

Ապրիլի 13-ին, Հայաստանի վարչապետ Նիկոլ Փաշինյանը, երկրի կառավարության նստում, անդրադառնալով սահմանամերձ գոտում ստեղծված իրավիճակի հարցին, հայտարարեց, որ Հայաստանը շարունակում է հավատարիմ մնալ եւ ներգրավված լինել՝ Լեռնային Ղարաբաղի հիմնախնդիրը եւ Հայաստան-Ադրբեջան հարաբերությունները բանակցություններով կարգավորելու քաղաքականությանը:

- Ի հեճուկս բոլոր դժվարությունների՝ մենք շարունակում ենք հավատարիմ մնալ եւ ներգրավված լինել տարածաշրջանային բոլոր հարցերը՝ Լեռնային Ղարաբաղի հիմնախնդիրը եւ Հայաստան-Ադրբեջան հարաբերությունները բանակցություններով կարգավորելու քաղաքականությանը: Մենք պատրաստ ենք նաեւ տա-

րածաշրջանային եւ տնտեսական ու տրանսպորտային կապերի վերաբացմանը՝ նախկինում մեր բարձրաձայնած սկզբունքների հիման վրա: Պատրաստ ենք նաեւ դեղին խաչի պայմանավորվածությունների հիման վրա,- ասաց Նիկոլ Փաշինյանը:



ՏԱՐԱԾԱՇՐՋԱՆՈՒՄ ՏՆՏԵՍԱԿԱՆ ԱՄԵՆԱԲԱՐՁՐ ԱՃԸ ՀԱՅԱՍՏԱՆՈՒՄ Ե



վարության կանխատեսած տնտեսական աճը՝ 2023 թվականի համար 5 տոկոս, իսկ 2024 թվականի համար՝ 5,2 տոկոս: Տնտեսական աճի այս տեմպերով Վրաստանը տարածաշրջանում զբաղեցնում է երկրորդ տեղը՝ զիջելով Հայաստանին, որի համար այս տարի IMF-ը կանխատեսում է 5,5 տոկոս աճ:

Արժույթի միջազգային հիմնադրամը (IMF) թարմացրել է համաշխարհային տնտեսական տվյալները: Կազմակերպության գնահատմամբ՝ այս տարի Վրաստանի տնտեսությունը կաճի 4 տոկոսով, ինչը նման է հիմնադրամի նախորդ կանխատեսմանը:

IMF-ի կանխատեսած 4 տոկոսն ավելի քիչ է, քան Վրաստանի կառավարության կողմից հայտարարված 5,5 տոկոսը:

Տարածաշրջանի մյուս երկրների համար 2023 թվականի տնտեսական աճի ցուցանիշները բաշխված են հետևյալ կերպ՝ Ռուսաստան՝ 0,7 տոկոս աճ, Ուկրաինա՝ 3 տոկոս անկում, Ադրբեջան՝ 3 տոկոս աճ, Թուրքիա՝ 2,7 տոկոս աճ:

IMF-ի կանխատեսումը ներառում է նաեւ Վրաստանի գնաճի մակարդակը: Այս տարի կազմակերպությունը կանխատեսում է միջինը 5,9 տոկոս գնաճ, իսկ 2024 թվականին՝ 3,2 տոկոս:

ԸՆԴՈՒՆՎՈՒՄ ԵՆ «ՔԱՅԼ ԴԵՊԻ ՏՈՒՆ» ԾՐԱԳՐԻ ՀԱՅՏԱԴԻՄՈՒՄՆԵՐԸ

Հայաստանի սփյուռքի գործերի գլխավոր հանձնակատարի գրասենյակը մեկնարկել է «Քայլ դեպի տուն» 2023թ. երկշաբաթյա ծրագրի հայտադիմումների ընդունումը:

Ծրագիրը հնարավորություն է տալիս սփյուռքի 13-18 տարեկան պատանիներին այցելել Հայաստան, բացահայտել իրենց հայրենիքը եւ ամրապնդել ազգային ինքնությունը: «Քայլ դեպի տուն»-ն այս տարի կընդունի 600 սփյուռքահայ պատանիների եւ

կանցկացվի հունիսի 5-ից օգոստոսի 26-ը՝ 6 փուլով:

Ծրագրի մանրամասներին ծանոթանալու եւ հայտադիմումները լրացնելու համար՝ պետք է այցելել ՀՀ սփյուռքի գործերի գլխավոր հանձնակատարի գրասենյակի պաշտոնական կայքէջ՝



http://diaspora.gov.am/en/programs/24/qayl_depi_tun:

Հայտադիմումների ընդունման վերջնաժամկետն է մայիսի 10-ը:

ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ՝ ՎՐԱՍՏԱՆԻ ՓՈՍՏԻ ԵՎ ՀԱՅՓՈՍՏԻ ՄԻՋԵՎ



Եւ հակառակ ուղղությամբ փոստային առաքումների պայմանների բարելավում, երկու երկրների միջեւ սահմանային ծախսերի իջեցում, որը կհանգեցնի հաճախորդներին մատուցվող փոստային ծառայությունների սակագների երկկողմանի նվազեցման, երկու երկրների միջեւ էլեկտ-

Ապրիլի 7-ին, Թբիլիսիում Վրաստանի փոստի եւ Հայփոստի միջեւ ստորագրվեց համագործակցության հուշագիր, որը նախատեսում է համագործակցության նոր ձևաչափեր մշակել եւ կյանքի կոչել նոր ծրագրեր:

Մասնավորապես, Վրաստանից Հայաստան շրջանակներում համարավորություն կունենա ոչ միայն բարելավվել Վրաստանի հետ փոստափոխանակման գործընթացը, այլեւ նոր ծրագրեր իրականացնել Վրաստանի փոստի հետ, ինչը թույլ կտա ներկայանալ հաճախորդներին նոր, մատչելի եւ որակյալ ծառայություններով:

Վրաստանի փոստը եւ Հայփոստը նախատեսում են անցկացնել կամոնավոր հանդիպումներ:

«ԿՐԹՈՒԹՅՈՒՆ ԵՎ ԿԱՐԻԵՐԱ EXPO 2023» ԶՈՒՅԱՀԱՆՂԵՍ ԵՐԵՎԱՆՈՒՄ

Հայաստանի կրթության, գիտության, մշակույթի եւ սպորտի նախարարության աջակցությամբ՝ Հայաստանի արդյունաբերողների եւ գործարարների միությունն ու «LOGOS EXPO Center» ցուցահանդեսային ընկերությունը ապրիլի 5-7-ն անցկացրեց «Կրթություն եւ կարիերա EXPO 2023» ցուցահանդես:

«Yerevan EXPO» ցուցահանդեսային համալիրում անցկացված ավանդական 22-րդ միջազգային մասնագիտացված ցուցահանդեսի մասնակիցները էին Հայաստանում եւ արտասահմանում գործող 80-ից ավելի հաստատություններ՝ բուհեր, քոլեջներ, դպրոցներ, ուսումնական կենտրոններ եւ միջազգային դոնոր կազմակերպություններ:

Ցուցահանդեսի հիմնական նպա-

տակն էր դպրոցականներին եւ ուսանողներին տրամադրել տեղեկություն ժամանակակից կրթության վերաբերյալ, նպաստել կրթօջախների եւ ձեռնարկությունների միջեւ գործնական հարաբերությունների կայացմանը, տեղեկացնել զբաղվածության շուկայում առավել պահանջարկ ունեցող մասնագիտությունների մասին, հանդիպումներ կազմակերպել աշխատանք փնտրող-



ների եւ իրական գործատուների միջեւ, ինչպես նաեւ՝ ծրագրում ներգրավել պետական, մասնավոր եւ հասարակական կազմակերպություններ իրենց նոր կրթական ծրագրերով:

ԳՐԱՆՑՎԵԼ Է ՀԱՐԿԱՅԻՆ ԵԿԱՄՈՒՊՆԵՐԻ ԱՋ

Հայաստանի Պետական բյուջեի հարկային եկամուտները, 2023 թվականի առաջին եռամսյակում, գերակատարվել են 14 միլիարդ դրամով:

Առաջին եռամսյակի եկամուտները, 2022 թվականի առաջին եռամսյակի համեմատ, աճել են 15,2 տոկոսով կամ շուրջ 60,8 միլիարդ դրամով: 2023 թվականի առաջին եռամսյակի ընթացքում հավաքագրված գումարներից հարկ վճարողներին վերադարձվել է 93,5 միլիարդ դրամ, որը 2022 թվականի առաջին եռամսյակի ցուցանիշը գերազանցում է 82 տոկոսով կամ 42,2 միլիարդ դրամով:

ԱՆԱՀԻՏ ՄԱՆԱՅԱՆԵ՝ ՄԱՐԳՈՒ ԻՐԱՎՈՒՆԵՐՆԵՐԻ ՊԱՇՏՊԱՆ

Հայաստանի ազգային ժողովը Անահիտ Մանասյանին ընտրեց Մարդու իրավունքների պաշտպանի պաշտոնում:

Ազգային ժողովի 107 պատգամավորներից քվեարկությանը մասնակցել էր 69 պատգամավոր, որոնք բոլորն էլ կողմ էին քվեարկել:



ՋԵՈՍԱՇՐՋՈՒԹՅՆԵՐԻ ԹԻՎՆ ԱՎԵԼԱՑՆԵԼ Է 35 ՏՈՎԱՍՏՈՎ

Համաշայն Հայաստանի Ջրոսաշրջության կոմիտեի տրամադրած տեղեկատվության 2023 թվականի հունվար-մարտ ամիսների ընթացքում, Հայաստան եկած ջրոսաշրջիկների թիվը կազմել է մոտ 450 հազար մարդ: Սա առավել քան 35 տոկոսով ավելի է՝ 2019 թվականի նույն ժամանակահատվածի համեմատ:

«Այս տարվա մարտ ամսին Հայաստան է այցելել մոտ 160 հազար ջրոսաշրջիկ՝ նախորդ տարվա շուրջ 84 հազար հոգու համեմատ: Սա լավագույն ցուցանիշն է մարտ ամսվա համար: Ջրոսաշրջության այցելությունների քանակով առաջին եռյակը շարունակում են մնալ Ռուսաստանը, Վրաստանը եւ Իրանը»,- նշված է հաղորդագրության մեջ:

ՆԱԽՈՐԱԳ ՏԱՐՎԱ ՀԱՄԵՄՏԱՆ ՍԵՎԱՆԱ ԼՃԻ ՄԱԿԱՐԴԱԿԸ ԵԿԱԶՁԵԼ Է

Այս տարվա հունվարից մինչեւ ապրիլի 12-ն ընկած ժամանակահատվածում Արփա-Սեւան թունելային ջրադարձով, Սեւանա լիճ է տեղափոխվել 15 միլիոն 325 հազար խորանարդ մեդր ջուր:

2023 թվականի ապրիլի 12-ի դրությամբ Սեւանա լիճը ծովի մակերևույթից գտնվել է 1900 մետր 34 սանտիմետր բարձրության վրա, ինչը 13 սանտիմետրով ցածր է մնում նախորդ տարվա նույն օրվա նիշից: Ընդ որում, նույն աղբյուրի տեղեկացմամբ, ապրիլի 3-ից մինչեւ 12-ն ընկած ժամանակահատվածում, Սեւանա լճի մակարդակը բարձրացել է 2 սանտիմետրով: Արփա-Սեւան թունելային ջրադարձով Սեւանա լիճ տեղափոխված 15 միլիոն 325 հազար խորանարդ մեդր ջրից 7 միլիոն 965 հազար խորանարդ մեդրը տեղափոխվել էր այս տարվա հունվարից մինչեւ ապրիլի 3-ն ընկած ժամանակահատվածում, իսկ մնացած 7 միլիոն 360 հազար խորանարդ մեդրը՝ ապրիլի 3-ից ապրիլի 12-ի ընթացքում: Սեւանա լիճ թափվող գետերում դիտվել է ջրի էլքերի մեծացում:

ԵԿԵՂԵՑԱԿԱՆ

ԱՊՐԻԼ 16.04.2023 Կրկնազատիկ (Նոր կիրակի)

Կրկնազատիկ է կոչվում երեք պատճառներով:
«Ձատիկ» նշանակում է ազատություն, եւ այդ օրը կրկնակի ազատության օր է: Աստված մեզ ազատել է մեղքերից, սակայն մենք գտնվում ենք կրքերի ազդեցության ներքո: Իսկ երբ Աստված ամեն ինչ մոր է անում եւ բոլոր կարիքներից մեզ ազատում, դա կոչվում է Կրկնազատիկ: Կրկնազատիկ է կոչվում մեր հարության պատճառով: Քրիստոս առաջին կիրակի օրը մեզ հարություն տվեց իր հոգով ու զորությամբ, իսկ երկրորդ կիրակի օրը մեզ հարություն է տալու ըստ մարմնի, եւ մեռելներից հարություն առնելով պիտի անմահանանք: Նոր կիրակի եւ Կրկնազատիկ է կոչվում, քանզի մորթվի ենք տոնում մեր հոգու փրկության նավակատիքը՝ հոգեւոր ուրախությամբ ու տոնախմբությամբ:

ՄԱՅՐԱՔԱՂԱՔ

ՖՈՒՆԻԿՈՒՅՈՐԻ ՃՈՂԱՆՈՒՂՈՒ ԾԽԱՐԱՐՈՒԹՅՈՒՆԸ ԿԱՎԱՐՏՎԻ ԱՅՍ ՏԱՐԻ



Թբիլիսիի քաղաքապետ Կախա Կալաձեն լրագրողների հետ համոզմանը հայտնեց, որ Ռուսթավելու պողոտան եւ Մթածմինդայի զբոսայգին կապող, շուրջ 40 տարի առաջ ողբերգական վթարից հետո, մինչ օրս չգործող ճոպանուղու նոր շինարարությունը կավարտվի մինչեւ այս տարվա վերջ:

Նրա խոսքով՝ ճոպանուղին չորս տարեկան մեկ երթուղի կանցնի եւ ժամում կապասարկի մոտավորապես 1100 ուղեւորի:

- Նշված նախագծի իրականացումը մենք սկսել ենք 2021 թվականին: Կարծում ենք՝ դա կլինի մեր քաղաքի այցեքարտը:

տերից մեկը: Աշխատանքները կավարտվեն 2023 թվականի վերջին,- ասաց Կախա Կալաձեն:

Ռուսթավելու պողոտան Մթածմինդայի այգին միացնող ճոպանուղով կաշխատի 21 գոնդոլ: Ճանապարհը ծածկելու միջին արագությունը կկազմի 4,07 րոպե, իսկ երթուղու երկարությունը՝ 845,55 մետր:

3000 ԼԱՐԻԻ ՏՈՒԳԱՆՔ՝ ՊՈՒՐԱԿՆԵՐԸ ՎՆԱՍԵԼՈՒ ՀԱՄԱՐ

Վրաստանի խորհրդարանը առաջին ընթերցմամբ ընդունել է «Վարչական իրավախախտումների վերաբերյալ օրենսգրքի» փոփոխություններ, ըստ որի՝ պուրակները կամայականորեն փորելու եւ վնասելու, ինչպես նաեւ դրանք շինանյութով պատելու եւ փորած վայրերն առանց նախնական վիճակի բերելու, թողնելու համար ֆիզիկական անձը կտուգանվի 200, իսկ իրավաբանական անձը՝ 1 000 լարիով:

Մշակութային ժառանգության գոտում նույն արարքը կատարելու դեպքում՝ ֆիզիկական անձը կտուգանվի 1 000, իսկ իրավաբանական անձը՝ 3 000 լարիով:

Նշենք, որ գործող օրենսգրքով վարչական տուգանք է սահմանվում բակերը, փողոցները, հրապարակները կամայական փորելու եւ շինանյութով լցնելու դեպքերի համար: Նոր օրենսդրական նախաձեռնության համաձայն, բացի բակերից, փողոցներից եւ հրապարակներից,

սահմանվում է նաեւ վարչական պատասխանատվություն՝ պուրակները վնասելու դեպքում:

Հարկ է նշել, որ տուգանքներ կսահմանվեն ոչ միայն պուրակները, բակերը, փողոցները, հրապարակները կամայական փորելու եւ շինանյութով լցնելու, այլեւ՝ տվյալ վայրերում աշխատանքներ կատարելու համար լիազորված մարմնի կողմից սահմանված պայմանները խախտելու եւ չկատարելու դեպքում:

ԵԿՐԱՏԵՍԻԼ - 2023

ՀԱՆՐՈՒԹՅԱՆԸ ՆԵՐԿԱՅԱՎԵՅԻՆ ԵՐԳԻ ՓԱՍՏԱՆՈՒՆԻՆ ՎՐԱՍՏԱՆԻ ԵՎ ՀԱՅԱՍՏԱՆԻ ՆԵՐԿԱՅԱՌՈՒԹՅՆԵՐԻ ՏԵՍԱՀՈՒՈՎԱԿՆԵՐԸ



Իրու խեչանովա



Բրյունետ

Ինչպես արդեն հաղորդել ենք, «Եվրատեսիլ-2023» երգի մրցույթն այս տարի անցկացվելու է անգլիական Լիվերպոլում. կիսաեզրափակիչները կկայանան մայիսին 9-ին եւ 11-ին, իսկ եզրափակիչը՝ մայիսին 13-ին: Երգի փառատոնին Վրաստանը ներկայացնող Իրու խեչանովան եւ Հայաստանի պատվիրակ Բրյունետը հանդես կգան մայիսի 11-ին, երկրորդ կիսաեզրափակչում:

Իսկ մինչ այդ անցկացվեցին ժյուրի-ին ներկայացվելիք երգերի տեսահոլովակները:

Իրու խեչանովայի մրցութային երգի՝ «Էխո» երգի հեղինակը Գիգա Կուխիանիսն է: Տեքստը պատկանում է Իրուին եւ Բենի Քադազիձեին: Երգի տեսահոլովակը նկարահանել է Ջազա Օրաշվիլին: Գիորգի Թորիաշվիլին աշխատել է


պարարվեստի, Շակո Պոպիաշվիլին՝ նկարչության, իսկ Մարիկա Քուրդուբաձեն՝ կոստյումների ձեւավորման աշխատանքներում:

Ինչ վերաբերում է Բրյունետին, ապա Լիվերպոլում նրա մրցութային երգը կոչվում է «Ապագա սիրելին», հեղինակը հենց երգչուհին է, իսկ տեսահոլովակի ռեժիսորը՝ Արամայիս Հայրապետյանը:

ԱՆՊՐԱՐԱՆԱԼՈՎ ՆԱԽՈՐԴ ՀՐԱՊԱՐԱԿԱՆՆԵՐ

ՌԻԿՈՒԹՈՒՄ ԵՐԹԵՎԵԿՈՒԹՅՈՒՆԸ ՀԱՏՈՒԿ ԿԱՐԳՈՎ ՎԵՐԱԿԱՆԳՆՎԵՑ

«Վրաստանը» ապրիլի 1-ի համարում տեղեկացրել էր, որ Ռիկոթի լեռնանցքը, սողանքի պատճառով փակվել էր տրանսպորտի բոլոր միջոցների համար: Վրաստանի ավտոճանապարհների դեպարտամենտից ստացված տեղեկատվության համաձայն՝ ապրիլի 13-ից Ռիկոթի լեռնանցքը բաց է, թեպետ երթևեկությունը իրականացվում է ժամանակային որոշ սահմանափակումներով:



Մասնավորապես, երթևեկությունը վերականգնվել է հատուկ պայմանաւարգով, ըստ որի՝ ժամը 07:00-ից մինչեւ 19:00-ը Թբիլիսի-Սենակի-Լեսելի-ձե ավտոմոբիլային ճանապարհի 114-194 կմ հատվածում (Ախալսուփեղիի հանգույցից մինչեւ Ջեստափոնի) երթևեկությունը թույլատրվել է միայն մարդատար թեթեւ ավտոմեքենաների եւ ճանապարհային ավտոտրանսպորտի համար, ժամը 21.00-ից մինչեւ առավոտյան ժամը 06:00-ը, նույն ճանապարհահատվածում կերթևեկեն միայն բեռնատար ավտոմեքենաները:

պարիի 114-194 կմ հատվածում (Ախալսուփեղիի հանգույցից մինչեւ Ջեստափոնի) երթևեկությունը թույլատրվել է միայն մարդատար թեթեւ ավտոմեքենաների եւ ճանապարհային ավտոտրանսպորտի համար, ժամը 21.00-ից մինչեւ առավոտյան ժամը 06:00-ը, նույն ճանապարհահատվածում կերթևեկեն միայն բեռնատար ավտոմեքենաները:

պարիի 114-194 կմ հատվածում (Ախալսուփեղիի հանգույցից մինչեւ Ջեստափոնի) երթևեկությունը թույլատրվել է միայն մարդատար թեթեւ ավտոմեքենաների եւ ճանապարհային ավտոտրանսպորտի համար, ժամը 21.00-ից մինչեւ առավոտյան ժամը 06:00-ը, նույն ճանապարհահատվածում կերթևեկեն միայն բեռնատար ավտոմեքենաները:

	1	2	3		4	5	6
7				8	9		
			10				
11	12				13	14	15
	16			17			
			18		19	20	21
22		23		24			
		25	26				
27	28				29	30	31
				32			
33	34				35	36	37
	38			39	40		
			41	42	43		
44	45	46	47			48	49
	50				51		52
53			54			55	

ԽԱՍՏԱՆԻ ԽԱՐԱԿԱՆԱԿՆԵՐ

ՀՈՐԻԶՈՆԱԿԱՆ. 7.Առնետ: 9.Լացող ծառ: 10.Կղզի Վանա լճում: 11.Շահավետ: 13.ՌԴ առաջին նախագահը: 16.Ֆրանսիացի ֆուտբոլիստ Գաբրիել ...: 17.Փոքր արկղ: 19.Առանց լեռ: 22.Հուլիանոսից: 24.Կոճգամ: 25.Ամուսնության բյուրո: 27.Հայ ռեժիսոր, սցենարիստ ... Աղաբաբով: 29.Վրաստանի խորհրդարանի նախկին պատգամավոր ... Սկոյան: 32.Անալի: 33.Օրգանական նյութ, անգույն բյուրեղներ: 35.Խածել, խաթել: 38.Անկյանը, անկենդան: 40.Վրաց դերասանուհի ... Ռեխվաշվիլի: 41.Թուրքական խոշոր օձ: 44.Օգտակար համաժողովների «բնական պահեստ»: 47.Այծ (ժող.): 48.Բոց: 50.Իտալացի օպերային երգչուհի Ջուլիետա ...: 51.Հայկական ծագումով ամերիկյան հայտնի երգչուհի: 52.Որովհետեւ, որպեսզի: 53.Գետ Չինաստանում եւ Ղազախստանում: 54.Պորտուգալացի նախկին ֆուտբոլիստ ... Կոշտա: 55.Ֆրանսիացի գեղանկարիչ, գրաֆիկ եւ քանդակագործ Էդգար ...:

ՈՒՂՈՒՄԱՆՆԵՐ. 1.Լնդախո: 2.Քաղաք Չինաստանում: 3.Վենետիկյան ոսկեդրամ (XIII դար), որը հետագայում տարածվել է ամբողջ Արեւմտյան Եվրոպայում: 4.Թերեւս, հավանաբար: 5.Գերմանացի գրող Զիգֆրիդ ...: 6.«Առյուծ» քաղաք Ֆրանսիայում: 8.Կարճ ու կոնկրետ, վճռական: 12.Ծաղրական նմանակում: 14.Իտալացի կինոդերասան ... Վենետուրա: 15.Իշու ձագ, քուռակ: 18.Շչակի ձայն արձակել: 19.Հայկական ստորգետնյա թագավորության աստված: 20.Անմազ-անմորուք: 21.Կուրացի շախմատիստ Խոսե ... Կապաբլանկա: 23.Վրացի կինոռեժիսոր ... Շվելիձե: 26.Սեղանի սպասքի առարկա: 28.Ուրարտուի թագավոր: 29.Չինական կայսերական դիմաստիա (մ.թ.ա. 221-մ.թ.ա. 207): 30.Վրացի ռեժիսոր եւ կոմպոզիտոր ... Մաչաիձե: 31.Սուգ, ողբ: 34.Գիտենալ: 36.Աշխատանք չսիրող, անբան: 37.Մերձբալթյան պետություն: 39.Ձիմամթերք: 42.Տարվա չորս եղանակներից: 43.Հարսանիքում՝ ազգա-...: 45.Մեծ եղբայր, հայր: 46.Հունական այբուբենի տառ: 48.Այծ, ներկայումս: 49.Էթնոս, ժողովուրդ, ցեղ:

Կազմեց ԷԼԼԱ ԱՌԱՐԵԿՅԱՆԸ

ՆԱԽՈՐԴ ՀԱՄԱՐԻ ԽԱՐԱԿԱՆ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 1.Սպարտակ: 6.Պռոշյան: 10.Անահ: 12.Ուրարտու: 14.Շապար: 15.Մարշ: 16.Արա: 17.Երթանք: 20.Քան: 22.Կազմ: 24.Սինաս: 27.Եկա: 28.Մուրացան: 30.Բար: 33.Ձիմակիր: 37.Արքա: 39.Աս: 40.Կողակ: 43.Արջի: 44.Ապագա: 45.Պանամա: 47.Երագ: 48.Ակիշ: 49.Իշուկ: 51.Ասիա: 55.Հասնիկ: 59.Ալիսա: 60.Գումարի: 61.Լուիզա:

ՈՒՂՈՒՄԱՆՆԵՐ. 1.Սյունիք: 2.Աղաման: 3.Տատրակ: 4.Անուշ: 5.Կա: 7.Ուրաք: 8.Շուշանիկ: 9.Նարդոս: 11.Հարեն: 13.Բար: 18.Ամերիկա: 19.Քմար: 21.Արու: 23.Ձանի: 25.Սանր: 26.Արաս: 29.Ազարաշվիլի: 31.Ակ: 32.Կակա: 34.Նարի: 35.Ռայե: 36.Կապուր: 37.Աննա: 38.Քամի: 41.Դար: 42.Ազալի: 46.Ակոս: 50.Շիրագ: 52.Սիրիա: 53.Արշակ: 55.Ալմա: 56.Մարի: 57.Կիր: 58.Ֆիլմ:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՉՅԱՆ

Համակարգչային ձեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԺԺԼՈՅՈ 0105, ՃԱՄԲԵՂՈՅ ՄՅՅԱ 5, Մեր հասցեն՝ Թբիլիսի 0105 Գ.Աթոնելի փ. 5
ԹՅԼ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՅՐԱՅԵՄՈ»
ՄԺԺԼՈՅՈ, ՆԱՅՅԵՄՅԵՄՈ
"ВРАСТАН"
Тбилиси, Грузия
<VRASTAN>
Georgia, Tbilisi
Индекс 66445